

مجله علمی و ادبی

صراط مستقیم

۱۳۲۶

مطبعه و محل اداره :

تهران اوغوشده امنیت
مندوقی حوارینده
ضکول بقوشنده
۲۵ نوسرو

مسئله کوزه موافق آثار
جدیدیه مع الممتونیه
قبول اول نور

درج ایلمهین آثار اعاده اول نماز

دیر ، فلسفه ، علوم ، حقوق ، ادبیات تاریخ ، سیاست نامه ، و بالخاصه احوال و مشوریه اسلامیه در بحث اجداد و هفتاد و نه بر نشر اول نور .

صاحب و مؤسسه لری :

ابوالعلاؤین العابدین - ح . اشرف ادیب
تاریخ تأسیسی

۱۰ تموز ۳۲۴

آبونه بدلی

سه لکی	التی آیلانی	غروش
۶۵	۳۵	۶۵
۶۵۰	۳۰۵	۶۵۰
۱۷	۹	۱۷

در سعادتیده نسخه سی ۵۰ یار ددر

قبولیه دن مقوا بورو ایله کوندر لایسه سنوی
۲۰ غروش فضله آلامر

عدد : ۱۷۸

۱۲ صفر ۱۳۳۰ پنجشنبه ۱۹ کانون نانی ۱۳۲۷

یدنجی جلد

سان

دیلز ایچنده .. خورده شیلر

۷ ، لغت آما ایتی .

دیلزده، بزم کبی، کوچبه یاشاییشندن چیقمش، شهر حیاته کیرمش .. ونک ایچون، بدوی ایکن مدنی اولانه اولان اوکاده اولمشدر . بر وقتلر قوناردیق، کوچردیک .. اوتوردیغمز اوبا ایدی، کیدیکمز کچه ایدی . سبکبار ایدیک . طوراعمز قوناق دکل ایدی که دیواری طامی، بره سی جامی اولسون .

کون کلدی، اوتوردیق .. مدنیت اوینه یرلشمکه باشلادیق . کچه یاشنه چول، کیلیم، خالی، حصیر دوشه دیک .. بونلر اوستنه میندر، شیلته یایدیق .. یاصدیق، یاتاق، یورغان یایدیق .. چانات چوملک، دیرکن تپسی، سینی، کاسه، طاباق، صحن، دستی، شیشه، صراحی، قویا، بارداق کبی قاب قاجاق ایدینوب دبدبه بی دوزدیک . کیندیک، قوشاندیق . بویلهجه، اُمزه و اُمزه کیرن شیلرک آدلری ده دیلزده کیردی . کون کلدی؛ تا کرینک هدایتیله، دین یولنه یولندیک .. کوکسمز ایمان ایله، کوکلز نور ایله طولدی . آبدست آلدیق، نماز قیلدیق، اوروج طوتدیق .. زکات و یردیک، حجه کیتدک .. جامعلر یایدیق، منارلر یوکسلدیک . بویلهجه (شهادت کله سی، افتتاح تکبیری، قیام، قرائت، رکوع، سجود، ایلك قدمه، صوڪ قدمه، سلام، امساک، افطار، کعبه، قرآن، شریعت) کبی مبارک تمبرلرده دیلزده کیردی .

کون کلدی؛ ایللر کوروب ایللرله کوروشدیک .. آشلر، ایشلر یایدیق .. ییدیک، ایچمدیک .. آلدیق، صاندیق، زادمزی ذخیره مزی چوغاتوب طعمامزی، شرابمزی، لباسمزی یولنه قوبدیق . معاشرت و اختلاط آرتدیقجه، کوروشدیکلریمزک کورکولری بزدهده کوره نك اولدیقجه معیشت دیرکن عیشه، نوشه دوکولدیک .. شرابلر، شرابلر شربتلر، میلر، بادلر، صهبالر، صوبحلر، غبوقلر، قدحلر، ساغرلر، پیاله لر، میحانه لر، آیاعلر، تفاعلر، شیشه لر، سبولر، خملر، رطالار بربرینه قاریشدی . بویلهجه

ینه بر طاقیم سوزلر دیلزده کیردی .
کیم بیایر، دهانه لر اولدی ..
مدنیت یولیه، دیانت یولیه، اختلاط و معاشرت یولیه کان بوصاییسز شیلرله اللرمز، ایللر من طولدی . بونلرک بعضیلرینه ترکیه آدویردک، آد ویره مدیکلمزی کندی آدلریله قبول ایتدک . بونده تورکجه ایچون عیب صاییلجق، برشی ده یوق ایدی . طارلق اولدیقجه باشقا دیللردن لغت آلمق بوتون دیلرک یایدینی برایشدر . ایله عادت اولان شی، بزده بدعت اولاجق دکل یا ! ..

آلدیغمز لغتلری، تعبیرلری ایدینک، کندیمزه مال ایتک حتمز

ایدی . بیلیمز که نیچون ساده (استملاک) سوزینی بیلیمکه قالدیقده بونلری استملاک ایدمه دیک؟ هرکون دیلزده ورد اولان، آرامزده دونوب طوران بو سوزلری بوینه اکره تی طانیوب کلدیک؟ بیلیمز که نیچون بونلری قابلر من آما یاجق قادار، قابلر مزی یرتاجق قادار چوق آلدیق؟ بیلیمز که نیچون؟

وقتیه بیلیمه مش . فقط بوکون بیلیمش و بیلیمه جک بر شیدر که آلدیغمز لغتلر بزمدر . بونلری آغز مزه اویدینی کبی تلفظ ایتک، ایسته دیکمز کبی یوتمق، اوکارمق، ایشه قوشمق، یازمق، بوزمق، حقمزدر . بوکا کیمسه لر قاریشاماز . کیمسه لرک قاریشدینی ده یوقدر . فقط چوق کوشکاک ایتمش .. چوق ده کچیکمشر .. کوله کندی افندیسنی اسیر ایتش . زمان کچهرک، آزاده حق کبی برشی حاصل اولمش . عادت ایش ایچون چاغیر بلان ایرناده، اله آلیسان آلت بزه عاصی اولمش . بز اولره امر ایده میورز .. اونلر بزه امر ایدیور . همده امرلرینه اطاعت ایتمه مک المزدن کله مز . بونلری اطاعت آلتیه آلمق خاطر مزدن کچه مز . مثلا بونلردن (آبدست) کله سنی چوقلق (آبدس) و (آبداس) صورتنده قوللایرئز . فقط بونی بو حاه قویتی کیمسه نك حدی دکلدر . برچوق کیمسه لر حالا (زکات) ی (زکاة) . و حتی (زکوة) یاجق قادار بونقطه ده غیر تکشک ایدرلر . بوکون ایشک بودر . جه سنه کیدلسه بیله، یازیده تملدن برشی یایلمادیقجه، بونده دورت باشی مهور بر تدبیر یایمق کوچ دکل، محالدر .

یایاجغز؟ یایلاجق شی بالیدر . فقط بزده یایاجق حال یوق . نه اولاجق؟ بزم بوتون بیلوبده چارده سنه باقما دیغمز شیلری، زمان ایله دبل زوره قوشوب باشلرینه اورا ارزایوله یاتیراجق . ناصیل که (آبدال، آستار، آسامی، عطار، عاریتی، اسفیداج، اشکال، بادنجان، بلغم بوستان، بقال، باپوش، پیشین، دستکاه، تشوی، طاق، تخم، ترشی، جادو، جانور، جیب، جوان مرد، جوز، جامه شوی، چارچوبه، جولاه، چراغ، چفت، خردل، حشاری، خمور، حاویه، خروس، دوات، عرق، رهوار، زانه، سورنا، سقا، سواد، زقاق، استسقا، استفتاح، صابون، صندوق، سوخته، سمتراش، طبل، فنجان، خاتون، خمتان، خلیفه، قالب، قواس، قحط، غلاف، کلبتین کارکف، کتخدا، لافروز، نردبان، نخود، مشمع، مقوا، نیتن، نعل، نلچه، نلین، حرون، یادداشت) کبی بر قاق یوزلغتی زوری ایله قوروب (آبدال، آستار، آسامه، آقطار، اکره تی، اوستوبج، ایشکیل، بادلیجان، بالغام، بوستان، باققال، باپوج، بشین، تزکاه، تنه شیر، تک، توخوم، تورشو، جادی، جاناوار، جب، جومرد، جوز، چامشیر، چرچیوه، چولها، چیراق، چفت، خارادل، خشکاری، خامیر، خاویا، خوروز، دیورت، راتی، راهوان، زنه، زورنا، ساقا، ساوات، سوقاق، سیسقا، سفتاه، صابین، صاندیق، صوقفا، صوتوراج، طاوول، فیاجان، قادین، قافتان، قالیبا، قالب، قواص، قیت، قلیف، کرپتن

کرکف، کهیا، لافازان، مردیون، نوخود، موشامبا، موقاوا، مینتان، نال، نالچا، نالین، هارین، یاده سی (شکلنه قویمش، درجه درجه تورکجه لشدیرمش، تورک توره سنه یا تیشدیرمش، البته بو، بویله اولاجق . . البته طبیعت زوره کلز، زور لایانلری زوره قوشار .

لغت آما ایشنده اک بو یوک خطا بوراده در . بو اولماسه ایدی، بلکه باشقا خطالر یا اولمازدی، یادها خفیف اولوردی . بو، بویله دیبه ایشی کندی آقینتیسنه بر اقلیمی؟ بیر اقیسه ق همتله بش ییلده اولاجق شی، بلکه ده الی ییل سوکره لره قلوب، کوری کورینه بر بر طاقم یکی بیچمسز لکلرده میدانله کله جک . یازیق که اوزمان، تورکک «بش یوز غوروشم اولمادیغی ایچون بیک غوروش زیانم اولدی» دیدیکی تحقق ایدوب حقیقه ضرر من سرمایه منری بوغاجق .

تکرار ایدرز . . یازیمزده تملدن و کرکی کی تعدیلر، اکالدر یایلمادیقجه بز بو یا کیشی طوغرونتامایاجغز . بر شی یایلمایاجغز؛ باری کندی ایشی کندی یایوب تورکجه یه طوغرو بر آدم کان، بر آدم دکلسه بر آباق کان، بر پارماق کان (چامشیر) کی، (مردیون) کی (پاپوج) کی، (نال) کی لغتلی استقبال ایدم . (جویر) ی (جوز) . چوورمهک چالیشمایلم . دیزک کندی مالی اولان (آرابا) ی، (آلو) ی، (انتاری) ی (ایمبات) ی، (باجناق) ی (داماق) ی، (یارا) ی، (تبه شیر) ی، (پینیری)، (اینکم صاغما) ی، (بالیه مز) ی، آنالری کوکسندن چاتیر چاتیر قویاروب (عربه)، (علو)، (عنتری)، (نیم باد)، (باجناح)، (دماغ)، (یاره)، (تباشیر)، (پنار)، (علائم سما)، (عسل نیمخورد) شکلنه قویارق مسخره ایتمیم .

کریسی کله جک حقی

مباحثات

تنقید محقق احمد حمیدی افندی به جوانی

مکتوبکیزک افاداتندن اثر ذهول واقع اولدینی آکلاشیله یور دیمکله اکتفا ایدمک .

تقدیریکزدن اثریمز مظهر قبول عامه اولدینی استبشار ایدرک سزه بیان شکران ایدرم .

تنقید محقق افاده مراننده (ائناى تنقیده بعض یکیلکله . . .)

دن اشاغیسی تکرار او قویکیز!

برده (صوک سوزلرم) دیه مؤخره سنی بر کوزدن کچیریکیز!

دیدکن صکره؛ مکتوبکیزک ایکی نقطه سی واردر . بری، (ردیه کزده

۱۹ نجی) سطر دن (اعظم مفسریندن فخرالهدین رازی) فقره سنک

نهایتنه قدر اولان اسنادیکزی شدتله و تمامیه رد ایدرم . چونکه

داروینک مسلکنى قبول دکل، (تنقید محق) ک ۱۶ نجی صحیفه سنک

اواسطندن ۱۹ نجی صحیفه سنک ایکنجی سطرینه قدرکی سطرلریله بو

مسلک رد ایدیلدیکی معلوم اهل عرفان وقارئین کرامدر، داروین (زرر) یعنی (تناسل و تکامل بغير نفسه) مسلکنى قبول ایتمش، بز ایسه تشبیح یعنی (تناسل و تکامل بنفسه) اصولی قبول ایدرک حتی (اروا حکم اشبا حکم) حدیث شریفیه استبشار ایتدیکنز میدانده در . مکتوبکیزک دیگر نقطه سی که: (بویا تانکزدن داروین نظریه سنی . .) سطرلرندن اشاغیسی خصوصنده حقیقته دوغری تنویر و تعمیق فکر ایتک ایجاب ایدمور .

باقیکز افندم! قانون تکامل واصطفا ممکناتک کافه صفحاتنده شرط اولارق بر دستور لایتغیر اولدینی غیر منکر بر حقیقتدر .

انبای عظامک صورت ظهوری و کتب سماویه نك ابتدا صحفدن باشلا یارق توراته و انجیله و قرآن کریمه دخی کلنجه بر برینی ولی ایدرک تکاملدن تکامله و اصطفا دن اصطفا یه قانون تکاملک نتیجه سی اولدینی اک برنجی شاهددر . انبای عظامه مخصوص اولان کمال، کمال اضافی ونسیدر . نصل که: صحفه نسبتله کتب شریفه و تورات شریفه نسبتله انجیل شریف، انجیل شریفه نسبتله قرآن کریم دها زیاده کمال کوسترمشدر . بناء علیه تریبه یه کسب استعداد ایدن نوع بشر آرتق حال ابتدائیسنه نسبتله دائما آز چوق تکامل کوستردرک تکرار حال ابتدائیسنه رجعت ایتمه جکی پک طبیعیدر . بونی انکار ایتک انبای عظام و کتب سماویه نك بعث ونزولنده ترده دوشمک دیمکدر .

وحشت ایله جهالت آره سنده کی فرقی بو باده نظر بصیرته آلمق درجه وجودده در . بوکون یالکیز افریقا قطعه سنی اله الملق کافیدر .

آفریقانک بعض محللرنده کی قبائل بدویه دن برنجیسنده هنوز اوچی بشی فرق ایدمه جک درجه ده مایمونلر قدر غایت محدود بر بیلکی یه نسبتله اصول تمدنه قارشى لاقید قالان عناصر بشریه بر میدر؟ وحشیلر هنوز تریبه بشریه ایله غیر مکلف اولدقلى حالده بدویلرک مکلف اولدقلى میدانده . ایشته برنجیلری حال وحشنده، ایکنجیلری ایسه جهالتده در .

قرآن عظیم الشانک حق سمویلرینه کلنجه بز اوفرقان حقیقت بیانه حضرت محمد مصطفی (صلعم) نك کمال خاتمیتله بر معجزه باهره نبویه سی اولدیغنه قطعیا ایمان و اعتقادیمز بر کمال اولدینی و تکامل و اصطفا دن اولارق ازمانک تغیریه احکامک تغیرینه وجدانا قائل اولدیغمز ایچوندرکه: سویه استعداد بشر یوکسه لدکجه آیات کریمه یی تفسیره اولان احتیاجدن اصلا خالی قالاماز .

صورت تفسیره کلنجه هر زمانک مفسری او عصرک علوم وفنوننه کسب اطلاع ایتمه دکجه تفسیره ال اوزانه مایه جنی ده حقیقتدر .

بوکون علوم وفنون و تبعات فنیه کوزومزک اوکنده . اوفرقان

کریمکده شوزمانمزه کوره بعض آیات کریمه سی انظار بصیرت و دقتمزده .

فلان مفسر شویله تفسیر ایتشدر، بونک اوزرینه سوز اولمازمی دیه جکیز؟

ظن ایدرسم بر برینی ولی ایدن بونجه مفسرین کرام بو عقیده یی قطعیا

قبول ایتمز و ایدمزلر . ایتمه دکلی ایچوندرکه: بر چوق تفسیر شریفه نك

جمع و تالیقنه سی بلیغ کوسترمشلردر . عاشق حقیقت و نبوت و قرآن